



JUDICIAL SYSTEM MONITORING PROGRAMME
PROGRAM PEMANTAUAN SISTEM YUDISIAL

Komunikadu Imprensa

26 Setembru 2012

JSMP kontinua audiénsia ho prezidênte Parlamentu Nasionál

Iha 26 Setembru 2012 JSMP kontinua halo audiénsia ho Prezidênte Parlamentu Nasionál, Sr. Vicente Guterres atu diskute JSMP nia rekomendasaun balun ba Parlamentu Nasionál foun. JSMP mós antes ne'e halo ona audiénsia ho Vice Prezidente Parlamentu Nasionál Sr. Adérito Hugo da Costa, Komisaun A no Xefe Bankada PD Maria Lourdes Bessa.

Prezidênte Parlamentu Nasionál Sr. Vicente Guterres deklara katak nia sente orgullu tebes ho prezensa JSMP ninian. Prezidênte Parlamentu Nasionál sujere mós ba JSMP atu kaer metin ba prinsípiu independénsia atu kontribui halo krítika no rekomendasaun sira ne'ebé kredível ba sistema judisiáriu inklui prosesu lejislativu iha Parlamentu Nasionál.

'Audensia ne'e ho intensaun atu enkoraja Parlamentu Nasionál hodi fó prioridade ba projeitulei sira ne'ebé kaduka tiha ona iha segunda lejislatura, hanesan Lei Institutu Memória Pública, Lei Programa Reparasaun Nasionál, Lei ba Rai, alterasaun Lei Pensaun Vitalisia no Lei Anti Korupsaun, nomos subliña importansia konaba implementasaun Lei Protesaun ba Testamuña' dehan Diretór Ezekutivu JSMP, Luis de Oliveira Sampaio.

Prezidênte Parlamentu Nasionál apresia rekomendasaun no servisu JSMP nian iha área justisa, liu-liu observaun ne'ebé halo ba Parlamentu Nasionál. Nia parte konsidera kona-ba alterasaun Lei Pensaun vitalisia, Lei ba rai no ezbosu Lei Programa Reparasaun. Maski nune'é nia hanoin katak ezbosu Lei ba Institutu Memoria Públiku karik sei tetu atu labele fó benefisiu fali ba ema balu nia interese atu hetan servisu no vítima kontinua sofre/terus.

Entertantu kona-ba implementasaun Lei Protesaun Testemuña nia husu ba Governu atu kria kondisaun ba implementasaun efetivu ba lei refere. Sr. Vicente Guterres sujere ba JSMP atu halo audiénsia hanesan ho Xefe Bankada Parlelamentár sira hotu iha loron sira tuir mai.

Atu hetan informasaun kle'an favor kontaktu direktamente:

Luis de Oliveira Sampaio

Diretór Ezekutivu JSMP

Diresaun e-mail: luis@jsmp.minihub.org

Landline: 3323883/77810637